

NON

AL PAUTU
DE TOLEDO



ENCAMIENTOS

frente al Pautu de Toledo

Hai que dicilo dende l'entamu, CGT refuga los nuevos encamientos del Pautu de Toledo. Y failo porque, otra vuelta más, impúnxo-se la estratexa de la economía neoliberal y de privatizar tolos servicios públicos para facer negociu, incluyies les pensiones, p'enriba los derechos y les necesidaes de les personnes. Si repasamos dalgunes de les midies propuestes, atopamos cola verdadera intención de políticos, empresarios y sindicatos mayoritarios: Asegurar el so negociu.

Resulta que **teníamos razón** y que nun hai déficit na Seguridá Social. Curioso, dempués d'años de campañes nos medios de comunicación p'apavorianos pola quiebra del sistema y p'animanos a suscribir planes privaos. Ye más, si los gobiernos nun utilizaren esi dinelu pa gastos impropios, habría superávit.

Nun aseguren les revalorizaciones de les pensiones según l'IPC, cuidao que cualquier gobiernu, incluyiu esti, puede camudar en cualquier momentu la llei que lo aprobara al nun tar garantizáu como un derechu fundamental.

Nun se propón la derogación de nenguna de les anteriores reformes, y que tan dañibles fueron pal sistema públicu de pensiones. Nin la de 2011 (gobiernu del PSOE), nin la de 2013 (gobiernu del PP), pero tampoco'l plan de sustenibilidá, pol que mengüen les pensiones según la esperanza de vida, nin el cómputu de 15 a 25 años pa calcular la pensión.

Caltienen allargar la vida llaboral de 65 a 67 años y fomentar voluntariamente el seguir trabayando dempués de cumplir la edá llegal de xubilación. Incomprensible, nun ye de sentiu común, porque hai n'España un 42% de paru xuvenil y 300.000 moços y mozos que tuvieron qu'emigrar por nun atopar un puestu de trabayu.

Más d'un terciu de les pensiones nun lleguen al estragal de la proxitú y más de la metá nun algamen el salariu mínimu actual de 950 €/mes. Y sicasí, nun hai ningún encamientu pa revalorizar les pensiones mínimes.

Reivindicamos que la pensión mínima seja igual al salariu mínimu y ésti seja lo qu indica la Carta Social Europea, 1.084€/mes y 14 pagues al añu.

Da-y el llombu a la realidá llaboral d'un país con contratos precarios y salarios bien baxos que nun coticen como tendrién de facelo.

Un 12,3 % de les personnes con emplegu nun superen 1 estragal de la proxitú. **Asina va ser imposible tener pensiones dignes nel futuru.**

Enxerta los Planes de Pensiones Privaos nel sistema públicu al traviés d unos planes d'empresa alcordanos en convenios colectivos y, poro, col preste de los sindicatos CCOO y UGT, que tienen pela so parte intereses económicos n'estos planes privaos de pensiones d'empresa. Eso ye lo que busquen los bancos y aseguradores, el Bancu Central de la Unión Europea, el Bancu Mundial, etc., pa qu'estos fondos los xestionen ellos como fondos d'inversión. Ye'l primer pasu pa enllantar la mochila austriaca.

Nun se propón nenguna solución qu'acabe definitivamente colos deficiencies de les pensiones de villedá y del restu de pensiones non contributives.

Esti problema nun ye sólo de lxs qu'anguaño tán cobrando una pensión.

El problema ye de tola clase trabayadora que, si nun defende les pensiones d'agora, va atopase con que nun va esistir nenguna pensión nel futuru.

NON AL PAUTU DE TOLEDO

